



Broj: 01-33-5-6067-2/29
Sarajevo 21-03-2024

Skupština Kantona Sarajevo
Reisa Džemaludina Čauševića 1
71000 Sarajevo
Bosna i Hercegovina
n/r Elvedin Okerić, Predsjedavajući Skupštine Kantona Sarajevo

Predmet: Odgovor na zastupničku inicijativu Zastupnice Danijele Kristić – dostavlja se

Poštovani,

Slijedom zaprimljenog akta putem Ministarstva zdravstva Kantona Sarajevo broj 01-04-5869-28/24 od 28.02.2024. godine, kojim je Zavodu zdravstvenog osiguranja Kantona Sarajevo dostavljena zastupnička inicijativa, Zastupnice Danijele Kristić, da se izvrši izmjena Uredbe o obimu, uslovima i načinu ostvarivanja prava osiguranih lica Kantona Sarajevo na medicinska sredstva i da se kroz tu izmjenu odobre komunkatori kao medicinsko sredstvo, obavještavamo Vas kako slijedi.

Uredbom o obimu, uslovima i načinu ostvarivanja prava osiguranih lica Kantona Sarajevo na medicinska sredstva ("Službene novine Kantona Sarajevo" 22/20, 30/21, 42/22, 48/22, 21/23 i 1/24) utvrđen je obim, uslovi i način ostvarivanja prava osiguranih lica Zavoda zdravstvenog osiguranja Kantona Sarajevo na korištenje medicinskih sredstava koja se osiguravaju na teret sredstava obaveznog zdravstvenog osiguranja.

Članom 7. pomenute Uredbe propisane su specifične medicinske indikacije i prava na medicinska sredstva, koji glasi:

(1) U slučaju specifičnih medicinskih indikacija, osiguranom licu izuzetno se može odobriti određeno medicinsko sredstvo u zavisnosti od njegovog zdravstvenog stanja i oboljenja, a koja nisu predviđena ovom uredbom, a ista su mu neophodna za kvalitetniji život.

(2) Odobrenje medicinskih sredstava u slučaju iz stava (1) ovog člana predlaže Komisija koju formira Upravni odbor Zavoda i koju čine specijalisti odgovarajuće grane medicine, a konačnu odluku, u zavisnosti od raspoloživih finansijskih sredstava, donosi direktor Zavoda na prijedlog Komisije.

(3) Uz zahtjev za odobrenje medicinskih sredstava iz stava (1) ovog člana, osigurano lice je dužno dostaviti medicinsku dokumentaciju sa detaljnim obrazloženjem medicinske indikacije, koju daje isključivo ovlašteni ljekar određene specijalnosti koji je i preporučio predmetno medicinsko sredstvo, uz mišljenje prema utvrđenoj proceduri odobravanja i propisivanja.

Shodno navedenom iz člana 7. Uredbe, može se utvrditi da je potreba za medicinskim sredstvima, koja nisu predviđena Uredbom u slučaju specifičnih medicinskih indikacija, sistemski riješena.

Naime, s obzirom na to da je Uredbom teško definisati neverbalni komunikator koji bi pokrio sva stanja u kojim se može koristiti (poremećaji iz spektra autizma, cerebralne paralize, dječje govorne apraksije, intelektualnih teškoća i sl.) i zadovoljio individualne potrebe/mogućnosti osiguranika (vrstu opreme, software, tehničke karakteristike uređaja,..), ova odredba Uredbe omogućava da osiguranici koji imaju potrebu za predmetnim medicinskim sredstvom, isto ostvare u skladu sa njihovim stvarnim potrebama.



Svjesni prednosti koje donosi korištenje komunikatora u svakodnevnom životu korisnika, kao i okoline, Zavod će u skladu sa Uredbom razmotriti svaki podneseni zahtjev, te kontinuirano nastaviti raditi na unaprjeđenju prava osiguranih osoba i vršiti stalne analize iznesenih prijedloga s ciljem daljnjeg unaprjeđenja prava svih osiguranika.

S poštovanjem,



DIREKTOR

Mr.sci.oec. Muamer Kosovac

Dostaviti:

- Naslovu;
- Direktor Zavoda zdravstvenog osiguranja Kantona Sarajevo;
- Kanton Sarajevo, Ministarstvo zdravstva, Reisa Džemaludina Čauševića 1, 71000 Sarajevo;
- Služba za medicinske poslove;
- Služba za kvalitet i nadzor;
- a/a;